

石城縣志

光緒十四
年重修

石城縣志卷之七

楊學英分纂

人物志

列傳

宋

羅郭佐本邑人先世居汴祖廷玉以文學仕宋授石城主簿因家焉宋季郭佐杖策從征南將軍史八萬討平海寇有功授朝列大夫化州路總管尋轉廣州路總管督運糧餉給海北軍士海上遇警罵賊而死長子震敦武校尉化州路管軍把總隨父死難次子奇襲化州路判官尋授奉政大夫雷州路同知奉檄討猺賊挺身罵賊遇害而死奇子元珪救父死之孫仕顯襲武德將軍廉州路同知元至正間督戰船會高廉瓊等郡官兵勦海

寇戰歿於石礮港年三十九一門父子昆弟子孫五人

相繼死節粵人稱爲羅五節云

張志忠
烈傳

陳敏本邑人精騎射有韜略御士得其歡心擾攘中率家
丁入閩討賊兵帥薛弼擢爲漳州巡簡時草寇跳踉山
谷敏往來龍巖漳浦永春德化間勦蕩悉平民德之所
至爲立祠以功遷本路統制歷江淮都統制卒贈少師
案陳敏舊府縣志俱不載今據通志增入俟後人考
定

元

羅福本邑人爲化州路樞密院同僉素有勇畧順帝十五
年山海賊麥福黃應賓潘龍等聚徒割據雷州路十九
年福領兵擊之諸賊敗走以保障功陞本州都元帥元

末兵起嶺表騷然福乃專制其地及明興洪武元年征
南將軍馳檄徇郡縣福遂以高雷歸附時改化州爲府
領本縣隸海北道福之知興識主順從恐後如此邑祀
忠義祠

明

李澤永樂乙酉舉人登丙戌進士厯官至運使生平重道
義澹榮利時中官及權要皆喜逢迎稍疏輒徵諸色澤
曰拙性不能也遂告歸田里清約如寒士杜門著作不
履公庭繼詔起用力辭不就景泰七年冬十二月廣西
龍山賊陷城被執不屈死家口並遇害崇祀鄉賢

楊欽字謝山少穎悟勤誦習事親孝弱冠補諸生領永樂
甲午鄉試第二三上公車不第益博採羣書研究精理

甲辰登進士授翰林院庶吉士尋擢編修閒讀風樹之
語惻然動念遂致官歸養日以定省爲事結社於謝鞋
山巔文史自娛緼袍素食晏如也時延見諸儒生相與
講說經義亶亶不倦隱然以興起海濱斯文爲已任所
著詩文多散失相傳有歸山咏適志咏亦其一轍云
詩云曾沐殊恩入翰林翰林風月未關心瀛洲影射孤
鴻渺鰲禁難拘野鶴臨煙雨一蓑流舜澤風花兩味壯
陶襟茅簷高出千峰首凡鳥歸來沒處尋適志詩云問
寢茅簷下雞鳴露未晞髡彼兩髦者怡然下庭幃菽水
甘澹薄藜鵠禦寒饑斑衣初舞罷紅日上來遲六藝課
諸子五穀勤四肢使君問來路童子云不知峯頭探月
窟山腰繫虹霓塵埃飛不到天命樂奚疑崇祀鄉賢

高尚節寬和坦易雅有隱德伯父桓以明經銓授泰和司
訓尙節偕行甫到任桓卒宦篋蕭然尙節貸貲含殮竭
蹶歸其骸亦人所難者邑舉鄉賓年六十八卒孫魁進

士官中書

高魁字斗仲素敦大節見義勇爲弱冠舉茂才時代巡潘公融春觀風拔爲首卷遂以大器期之萬厯壬子領鄉薦第七名以縣當孔道夫役繁擾魁慨然陳請各屬協助並建議編丁隨糧永爲世便邑人德之迨司清遠教諭振興士類捐俸金三百鼎建學宮其後通庠舉祀名宦乙丑登進士厯中書時魏璫當國中外趨之魁獨守正不阿屢疏時政不報遂謝病歸其詩云年來北闕幾批鱗欲借尙方志未伸抗疏匡衡心欲碎哀時賈誼淚空頻忠愛之情見乎詞矣崇祀鄉賢

案舊志入鄉賢者羅總管李運使楊編修高中書四人而祠內止列李楊高三人牌位羅氏不與焉茲照

舊志登載

梁達嘉靖間歲貢任瓊州司訓時海公瑞爲門下生達一見知其非常人甚器重之歸田後數十載足不跡官府年八十四卒後忠介以都御史告致躬詣其廬祭之梁養正邑庠生司訓達子有桂父生平醕篤輕財有犯而不校之風庭訓五子三遊庠序榮膺冠帶縣舉正賓錫扁年七十二卒

吳烈隆慶間歲貢性剛介任儋州司訓時適寅長懷忮不靖烈置勿校遂飄然告歸居里數十年隱逸自高人咸重之年七十卒

蕭德貫萬厯間歲貢任曲江司訓沈靜簡淡歸里十餘年絕無干謁年七十三卒

文成奇字燦斗萬厯間歲貢學宗濂溪性孝友兄成章爲
涑水令早逝遺孤時奇方應明經卽退居林下戲綵承
歡以撫孤訓兒爲事接人應物似程正公著有靜裏問
答一編今猶想見其丰範焉

龍貞吏部大維父爲人端肅謹愿卓有先伯高風義方之
訓時佐夏楚六子儒業成材族黨窮乏極力周卹知府
廉其賢賓旌之壬子秋子登賢書貞且老廣州推官潘
融春贈以壽文年七十三卒

袁呈祥萬厯間歲貢初任豐城縣丞以督修蓮湖堤有惠
於民豐城人建祠祀之尋陞陸川令所至以廉能稱及
歸鄉里四十餘年淡然寡營耕讀爲事年百歲凡鄉飲
禮咸推重之長子庠生崇鼎年亦七十有奇時奉 恩

例俱給米帛知縣李沛詳請建坊未成而卒黃耆台背
萃於一門亦邑所罕觀

陳其政邑之逸叟也恬淡樂道輕財好施年八十八親見
五代明翰林萬荆重其學行有詩贈云八旬高老敲棋
玩五代兒孫步膝遊及捐館預知其期賦詩以辭袁呈
祥呈祥與之同庚往弔日祝願留世十年詩曰閻王若
問同年事留與世間訓後人後呈祥果遲十年而卒子
良修府庠溫恭和睦親友貧乏不吝解推玉成生子六
人曾元一堂邑貢江宗泗贈以三子一門新報喜同堂
五代舊家風之句壽八十有五

劉慶萬歷間邑庠張翼父爲人慷慨果毅常建義館於迴
龍嶺凡貧士塾師皆得居之曾捐已田送入文昌閣公

用又協建鎮龍橋以培風水其生平義俠如此縣令蔣三槐廉其賢行請給冠帶以旌之年七十餘而卒

全若性萬厯間歲貢厚重沈毅學者多師事之其立教以藩籬爲先士之以義經顯者多受業焉館嘗不戒於火諸生惶遽失度若性猶於火光中整頓巾服其動履不苟如此

全若彝邑廩生少而敏學篤志潛修與兄若性齊名有雙丁二陸之目丁卯若彝倡義重修學宮因鬻門逼狹若彝遂遷居讓其地爲泮池凡鳩工庀材皆力董其成將貢而卒年六十有餘

李廷棟天啟間歲貢任鶴慶府通判冰蘖自矢適寅長擢遷棟署府事一遵舊憲條教鶴人愛之歸田三十餘載

清約如寒士非公不至尹庭鄉邦推重卒年八十有五
黎敬邑孝廉民鐸之父少豪縱中年力敦儉素惡衣疏食
晏如也生平以方便鄰里爲務適元旦有鄰人死而無
棺者俗忌出財敬慨然資助其慈祥惻怛厚於濟人類
如此教六子各因其性質而成之卒年七十有三

黎民鐸字覺于城內人素有遠志潛心力學崇正癸酉舉
人甲戌聯捷會試副榜自甲申以後家居杜門絕干謁
日以著書垂訓爲事立聚奎社會友課文手著有易經
旨意道存錄及汶塘詩集一時流連悲感以詠歌當痛
哭陳曠序其詩謂情有不能自己遇景賦物寄意遙遠
是爲真詩其志節可與李二曲王船山相媲美至於敦孝
友謹廉隅施濟貧民感化強暴今猶載口碑嶺西道周

軾贈扁曰道風勵世壽八十六卒

勞于王湍流村學會之子也父爲海寇擄于王年十五痛哭挺身赴賊營爲質易父以歸後竟遇害

謝必晟邑庠生七歲失怙事慈母晨昏定省自少至壯無少怠生平公恕服人處事和而有辨凡屬義舉無不躬先倡率郡別駕聶應井署縣事甚器重之及遇鼎革尤能鎮定城賴以安一夕宴坐而卒後諸子多列膠庠

徐建綱邑增生奉例授冠帶素性醅篤周急卹貧縣西溪有二橋圯壞人畜屢溺綱捐鍰修之府州縣四舉鄉賓年九十六而卒

黎廷材邑增生屢旌優行自持耿介疏水淡然設教諸生以壁經著者多出其門知縣項汝廉嘉其德齒造廬請

不坊縣志 卷一
謁鄉飲禮藉以重焉年八十二而卒

戚維恩邑庠生潛修篤學卓有古風常設教縣右夏楚之聲聞於衙內知縣蔣三槐戲贈以聯云文章自擬翰林院教法人稱按察司至今傳之庭訓三子俱入邑庠一時秀士多出其門及髦猶就試督學面命告老優以冠帶年七十二而卒

黃穎邑庠生性端方見義勇爲持已耿介居恒嚴以訓子重道尊師卒年六十有奇諸子著名庠序

王之造郡庠生爲人溫厚事父母能致敬撫諸弟不私財居家常能守百忍之訓親睦鄉鄰童叟皆以長者稱之年六十五而卒

鍾成科溫厚謹樸守拙安貧尤肅庭訓當道廉其狀援

恩詔例給以銀米冠帶旌其門曰詔崇耆碩卒年七十有七子品奇歲貢生

國朝

鍾品奇順治初歲貢博學能文事親孝出告反面禮節惟謹鄉人沐其德化共傳頌之

黃詔球字元昇性聰慧善屬文弱冠遊邑庠屢試不售遂閉戶研求心性之旨舉止端方黨里奉爲楷模子五人衮繡衮昭衮卓皆庠生衮裳居第四穎異能文由歲貢任新安教諭創修學宮月課諸生講解不倦俸滿遷福建建安知縣嚴科條革陋規諸多善政口碑載道後引疾歸里知縣孫繩祖欲建松明書院裳捐地基以成其事弟衮瑞亦有文名

江宗泗邑貢生忠厚簡約麤衣疏食淡如也其與人樂易
仍守正不阿課文講義士之有造者多出其門設文會
於南橋四季聚試以寓激勸其作人至意耄年不倦壽
七十有餘

潘允泗邑庠生寬裕和睦見義必爲建設義學日以聚友
課文爲樂喜吟咏有隱士風鄉鄰貧乏者隨所有以解
推閭里德之子之瀛以博學食廩餼學者尊師之門下
多知名士訓子孫家學尤嚴年八十而卒

黃奇紫邑廩生少負不羈穎悟過人文酒豪放意致高遠
當事者以巍科期之惜天年不永遂無表見

高式震邑貢生進士魁之子也沈潛好學博通經史生平
不喜干謁日以訓課子孫爲事遊其門者類多成材持

已耿介接人溫恭財色不苟言動不輕雖狂妄當前無
不肅然起敬又曾活二人之命而卻其金殯無歸之喪
而全其義家雖淡薄甯儉己以濟人望丰采者咸以爲
有程正公風所著詩文六集刊行壽六十有奇

李色奇貢生積學能文弱冠進庠旋食餼孝友成性束身
以敬接物以和有古君子風晚年鍵戶著書義方訓子
舉明經廷試高等將得司訓而卒

陳浩邑貢生性豪邁學兼諸家尤工文詞屬筆綺思泉湧
通邑奉爲宗匠沒之日縣令孫繩祖輓以詩曰德星一
夜掩清光福善於今事渺茫偃室論公無履跡玉樓高
拱有文章朔風捲地哀千疊凍雨連天淚幾行從此思
君何處是雲山漠漠水泱泱咏是可覘其素履矣

李紀懋邑貢生少孤力學文思穎異制行磊落族有糧困於征棄其業逃往異地紀懋獨力支撐至糧累稍輕招復給還時豐一都會洞村有表戚鄧姓者將征米三石餘典賣後其家中落紀懋悉還之不責前價此又人所難能者家居以經術垂訓子朝鼎朝俊遊黌序朝煥朝蕃列成均

黎克濬邑貢生孝廉民鐸孫也幼承祖訓留心經史嘗捐資修遠祖墳族黨有急不吝解推持躬寬厚接物和平旣歿知縣孫繩祖爲文誄之長子正登進士官戶部員外郎人謂世德之報

曹天能字良伯壯負奇氣鄉嘗有外警畫策備禦境土賴以安堵旣而斂才家居事母以孝聞族里有窘苦者賙